



*Maršala Tita 25, 71000 Sarajevo*

**Broj: 150-15-4-1601-14 /21 MM**  
**Sarajevo, 15.09. 2021. godine**

Na osnovu člana 69. stav (2) tačka e) i člana 70. stav (1), stav (4) i (6) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

### **ODLUKU**

#### **o poništenju postupka javne nabavke roba – rezervni dijelovi sa ugradnjom za servis putničkog vozila**

##### **Član 1.**

Ovom odlukom se poništava postupak javne nabavke roba – rezervni dijelovi sa ugradnjom za servis putničkog vozila, iz razloga što je cijena dostavljene ponude znatno veća od osiguranih sredstava za predmetnu nabavku.

##### **Član 2.**

Centralna banka će o rezultatima provedenog postupka javne nabavke obavijestiti ponuđača.

##### **Član 3.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

##### **Član 4.**

Ova odluka će se objaviti na web stranici Centralne banke Bosne u Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj 39/14).

### **O b r a z l o ž e n j e**

Postupak javne nabavke roba – rezervni dijelovi sa ugradnjom za servis putničkog vozila, pokrenut je Odlukom, broj: 150-15-4-1601-5/21 MM od 30.07.2021. godine. U skladu s tim, Centralna banka je 11.08.2021. godine na portalu Javnih nabavki objavila Obavještenje o nabavci broj: 1370-1-1-372-3-219/21.

U predviđenom roku za dostavljanje ponuda, do 26.08.2021. godine do 10:00, blagovremeno je dostavljena jedna ponuda ponuđača:

- TOTAL TRADE d.o.o. Doboj.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da pristigla ponuda zadovoljava sve uslove tražene tenderskom dokumentacijom, ali da ista sadrži računsku grešku u obrascu za cijenu ponude. Od ponuđača je pismenim putem traženo da prihvati ispravku računске greške, što je ponuđač i učinio.

Nakon prihvatanja ispravke računске greške cijena dostavljene ponude iznosi 4.147,10 KM, a Odlukom o pokretanju postupka nabavke su obezbjeđena sredstva u iznosu od 2.800,00 KM.

Obzirom da je cijena dostavljene ponude znatno veća od osiguranih sredstava za predmetnu nabavku, Komisija je Zapisnikom o pregledu i ocjeni ponuda, broj: 149-15-4-1787-5/21 i Izvještajem o radu sa preporukom, broj: 149-15-4-1787-6/21, oba od 09.09.2021. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za zajedničke poslove;
- Ponuđaču (original)
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).



**GUVERNER**  
**dr. Senad Softić**